

《續修四庫全書》編纂委員會編

續修四庫全書

上海古籍出版社

九〇八・史部・金石類

山右石刻叢編四十卷目錄一卷（卷三十二至卷四十）〔清〕胡聘之撰……………一

關中金石記八卷〔清〕畢沅撰……………一九一

雍州金石記十卷記餘一卷〔清〕朱楓撰……………二八三

關中金石文字存逸考十二卷首一卷〔清〕毛鳳枝撰……………三五五

2664/078

山右石刻叢編卷三十二

碑高二尺八寸廣一尺九寸三分十

昭濟聖母祠記

六行行二十四字正書今在平定州

重脩昭濟聖母祠記

平定州儒學直顧思孝撰

國子伴讀呂思誠書

平定州儒學正陳遷福篆

昭濟聖母祠在太原廢城側祠下有泉曰善利日難老浸潤

溉田數百萬畝民賴其利故立祠以歲時祀事蓋水神也

唐太宗起義太原嘗禱于茲豈唐人之所封歟平定州北六

山右石刻叢編卷三十二

七里曰柳家泊亦有祠焉通祠也宋之碑刻金之碑記尚

在祠下口有泉匯而為池整之以石開厥口于東北隅水從

中出黛蓄膏停混混然勢若白虹下入桃江園者稼者耕者

禮者耕者凡可以利於水者罔不咸賴祠而事之宜矣祠

建歲久垣墉圯不蔽風日里人會謀曰此厥不修則何以

肅斯人祀事之心乎於是命工歲財易敗為完金碧燦然光

奪人目延祐丁巳十月功訖求記焉于惟在晉祠者名著天

下而此名於一鄉其利有小大而名與之遠邇歟謹誌

大元延祐七年八月日李洪等立石

枝碑題平定州儒學直顧思孝撰國子伴讀呂思誠書平

定州儒學正陳遷福篆致州志顧思孝元延祐年為平定

州學正與碑題合志之學正當即碑之學直但名稱不同

耳陳遷福未見州志可據碑以補又按元史呂思誠傳思

誠字仲實平定州人生時有異長從蕭剌受學入國子為

陪堂生旋選中伴讀書碑正書於此時其泰定元年甫登

第故是年別無官也傳又謂泰定元年擢進士第同知選

司業拜監察御史出為廣西廉訪司事尋擢國子監丞升

子司業遷中書左司員外郎中言罷復起為右司郎中

拜刑部尚書改禮部尚書復起為侍御史劾奏宋德金三

史升侍御史劾奏宋德金三史知政事使入拜中書參知政事升左丞

參知政事使入拜中書參知政事升左丞參知政事使入拜中書參知政事

御史中丞再任左丞知經筵事復起為中書左丞參知政事

為樞密副使仍知經筵事復起為中書左丞參知政事

兼國子祭酒爭鈔法左丞亦嘗徵召復為中書左丞參知政事

五思誠氣宇凝定不為勞利所屈三為祭酒一法許衡之

舊有文集兩漢通紀等著碑多闕其先言太原廢城側有

昭濟聖母祠故通志晉源神祠在太原縣晉祠鎮又有水

母廟照甯中以守臣請賜號顯靈昭濟聖母與碑文合

詩云晉祠本唐叔虞祠廟蓋碑云溉田數百萬畝據後漢

書安帝元初三年已有修理太原舊溝渠溉灌官私田之

事鄧道元水經注晉智伯過晉水以灌晉陽後人理其遺

教東北注晉陽城以灌又通志載宋嘉祐中知縣事陳知

白分引晉水教民灌漑神宗八年七月太原府澤州守一

修晉祠水利溉田六百餘頃又按志載公乘吳淵重廣水

股引東走平陸十分之以溉民土其溉田以稻穀計之得

四萬五千七百七十畝合前舊有之水利為三百三十

云是晉祠之水利所關甚廣後言平定州儒學正與碑題

平定志昭濟聖母祠在平定凡四在柳家泊一在下城後街一

在村此碑僅著柳泊一境柳家泊屬州治碑為重修而

作其原建年月闕碑云其地有泉圃者稼者咸賴焉而祠字不修何以肅斯人祀事之心於是命工歲財易取爲完蓋亦鄉人崇德報功之意其爲文記之固宜

亞岳廟外門記

碑高三尺九寸二分廣一尺九分二十一行行四十五字正書今在長治縣

靈惠齊聖廣祐王新建外門記

奉元路醴泉縣儒學教諭上黨賈志道書

潞州儒學直學李章篆額

王之祠在所有之爲之顯應王爲之亞嶽迨及

元朝欽崇典禮懷柔百神曠絕之祀無所不究優封

靈惠齊聖廣祐王載於祀典王祁州人崔姓子玉宇也唐初

爲滏陽令又爲長子令太宗以夢見徵拜蒲州刺史先長子

山石製碑卷三十二

三

爲府君時有異政之稱適遇虎害言一孝子被所食以牒攝虎至使伏其罪民以爲神而祠事之世之所傳蓋以此也廟之在潞郡者峙於東門之內由古及今封加享祭恩禮不衰遠近之人奔走祈禱敬信不怠其靈驗可知也觀其廟自崇深門牆堅整像設儼然其興治之始末具於祭政楊中奉石刻茲不復贅惟於外門闕焉上黨縣尹石承事口通甫晉洪洞人自臨本邑百姓又安五事脩舉割雞製錦之功人難能也真可謂棲鸞淹驥耳終更之後人尚思之及於事神之禮無不盡誠率鄉曲巨家張玘賈以直李溫等一十七人名具列如左同謀協處輸財於已雇工於民土木之費楮幣幾四千餘緡初立外門橫跨通衢之上雲霞照映金碧炫耀輪煥翠飛駭人之目不惟壯神祠之氣口抑亦增鄉里之光

策經始于延祐戊午之春落成於是年之九月也玘等卽以其事請于記之辭不獲已竊謂傳有之曰有功於民則祀之能禦大菑則祀之能捍大患則祀之夫郡縣之良吏血食一方者多矣卓卓茂之於密魯仲康之於中牟朱邑之於桐鄉召信臣之於南陽未能有達之天下四方者如王之祠何其盛歟嗚呼祀典之廢久矣人心所存口述禍微禍在耳其事神也封羊豕具酒食巫覡優樂雜然而前禱謝日豐乖禮越分鄙俗相傳不以爲過豈事神之道哉雖疾病請禱古人之所不廢殊不知誠則感神祭則受福冥冥之間自有陰相若夫悖理口欲要求於神者無愧乎故有其誠則有其神無其誠則無其神惟王福善禍淫禦菑捍患有禱輒應功不爲細神千載而下血食宜矣噫廟之興廢在乎人則一門之役固不得爲全功異時有全功任之者安知其不自石尹等而口是口紀也故爲之書

山石製碑卷三十二

四

延祐庚申仲秋朔日前鄂州路崇陽縣主簿上黨進士李天祿記

管軍百戶張玘 武瑞 賈以直 李溫 李公徽 王

德 張思貞 樊信 蘇敬 鄭楨翰 裴良佐 秦郁

郭克恭 王德輔 郭溫公 趙維恭 助緣武濟民

等立石司廟人楊思敬

石匠提控王思仁同男王溫刊

按碑題奉元路醴泉縣儒學教諭上黨賈志道書潞州儒學直學李章篆額元史地理志至元十六年改京兆爲安西路總管府皇慶元年改爲奉元路碑立延祐庚申故得

以奉元路入街碑言元朝欽崇典禮優封靈惠齊聖廣祐
王載於祀典核崔府君神至元十五年正月封齊聖廣祐
王見元史本紀元貞元年加封靈惠見今碑本元詔碑云
楊中奉石刻者即元大德楊仁風崔府君廟碑題街中碑
有上黨縣尹石承事附通甫晉甯洪洞人自臨本邑百姓
又安終更之後人尚思之神神盡誠率鄉曲巨家張圯等
一十七人輸財僱工創立外門經始延祐戊午春落成是
年九月此延祐五年以前通甫尹上黨之證末題延祐庚
申仲秋朔前鄂州路崇陽縣主簿上黨進士李天祿記元
史地理志大德五年鄂州改武昌路此天祿大德五年以
前崇陽之證

重修元武殿記

山右刻叢編卷三十二

碑殘高二尺七寸八分廣一尺七寸八分
分十九行行三十八字正書今在永濟縣

大元重修武殿記

鞏昌府儒學教授呂損撰并書丹篆額

自三代祀典之廢民之用享不溢於異端則惑於鬼禮崇
□於當敬者鮮矣惟□地日呈山川正矣乎河中治城後踞
女陣俯圖闕形勝雄敵表裏山河□□樓觀有殿曰武郡
人□□□再基于前金之季年禪寢遠境摧擗尙神殆弗
宇延祐戊午□□既徹諸音聖議曰□□□不脩舉而
吾儕坐忍神之所居不蔽風日如是邪幸年穀豐家餘
力盍起斯殿之弊□□募工勸財不期而翕集舊者新之
樊者更之改塗易檐文楹藻棟承題構亭如鼓如翼□□
□碧縹緲乎飛雲之外望之如神仙之居焉役始于其年之

夏甫再月而告成廟貌既嚴民情□□疹有禱輒應社民陶
用秦珪張林等來謁于曰斯役之興□所目睹礪石已具請
子記之□□□曰武郡者北方虛危騰蛇之象也其位陰陰
主殺故或者謂神能降伏邪道收斬妖□者□
皇元盛德充溢霄壤山川鬼神罔弗祗肅或捍災患或贊化
育雲車風馬莫遑處况神司刑□□其陰相
國家掃除氛惡神之職亦宜又何異焉遂併書之
延祐七年歲在庚申□月吉日記

延祐七年九月 日立石

中議大夫河中府達魯花赤兼管本府諸軍與勸農事
知渠堰事□加歹

中順大夫河中府知府兼管本府諸軍與勸農事知渠

堰事吳元瑜

山右刻叢編卷三十二

六

奉政大夫晉路同知河中府事白子恩

昭口校尉晉路河中府判官王端

承德郎晉路河中府推官李膺

口仕郎河中府知事盧邦瑞

河中府提控案牘聶世忠

忠翊校尉晉路河東縣達魯花赤兼管諸軍與勸農事知渠

堰事福童

承仕郎晉路河東縣尹兼管諸軍與勸農事知渠堰

口郭義

保義校尉晉路河東縣主簿張天澤

晉路河東縣尉張口

典史楊世寧

榜碑題羣昌府教授呂損撰并書丹篆額碑云河中治城後踞女陣俯闕閭形勝雄敞表裏山河有殷曰元武再基於前金之季校金正大六年李獻能有重修元武殿記即此碑所云修於金季者碑以延祐戊午重修而立碑有社民陶用秦珪張林等至大元年詔封二賢碑陰記後刻中書禮部符文據張林等狀有林等祖居本村自願修理然則林固元大德延祐間河中民之樂善舉好修祠廟祀者碑末所題諸官有中議大夫河中府達魯花赤加歹中順大夫河中府知府吳元瑜奉政大夫同知河中府事白于思昭校尉河中府判官王端河中府推官李膺河中府知事盧邦瑞河中府提控案牘羅世宗忠翊校尉河東

山右劉義舉卷三十二

七

縣達魯花赤福童承仕郎河東縣尹郭義保義校尉河東縣主簿張天澤河東縣尉張典史楊世寧校此所題諸官與詔封二賢碑陰記題名並同惟河中府達魯花赤知府河東縣達魯花赤縣尹自兼管諸軍與勸農事外視二賢碑陰多知渠堰事四字又至大元年至是年甫十三年而甯碑泣官之人竟無一在者遷徙更代亦云速矣延祐三年近鹽池府州縣官皆知渠堰事見食貨志與此碑合

薛仁貴鄉廟碑

碑連額高四尺二寸廣一尺八寸十一行行四十二字額題重修薛仁貴鄉廟之碑十字均正舊今在河津縣村黃

大元延祐上章涓灘歲孟冬下月河津縣鄉郭同宗重修唐

薛仁貴鄉廟雖有前碑紀功未備今公唐史閱公本傳略而錄焉

前國子生員薛恭敏集撰并書丹

薛仁貴絳州龍門人少貧困以田為業其妻曰夫有高世之才要須遇時乃發今天子自征遼東求猛將此難得之時君蓋圖功名以自顯乃在應募王師攻安市城高麗莫離支遣將高延壽等率兵二十萬拒戰太宗命諸將分擊之仁貴恃驍悍欲立奇功乃著白衣自標顯持戟腰鞭兩弓呼而馳所向披靡軍乘之賊遂奔潰帝望見遣使馳問先鋒白衣者誰曰薛仁貴帝召見嗟異賜金帛口馬甚眾授游擊將軍師還帝謂曰朕舊將皆老欲擢驍勇付闕外事與卿者朕不喜得遼東喜得卿將遷右領軍中郎將蘇定方討賀魯仁貴上

山右劉義舉卷三十二

八

疏曰臣聞兵出無名事故不成明其為賊敵乃可服今泥熟不事賀魯為其所破虜係妻子王師有於賀魯轉得其家口者宜悉取以還厚加資遣使百姓知賀魯為暴而陛下至德也帝納之遂還其家屬泥熟請隨軍効死詔副鄭仁泰為鐵勒道行軍總管將行宴內殿帝曰古善射者有穿七札者卿試以五甲射焉仁貴一發洞貫帝大驚更取堅甲賜之時九姓眾十餘萬令號騎數十人來挑戰仁貴發三矢輒殺三人於是敵軍氣懾皆降仁貴慮為後患悉坑之轉討磧北餘眾禽偽葉護兄弟三人以歸軍中歌曰將軍三箭定天山壯士長歌入漢關後高麗餘眾叛起為鷄林道總管坐事貶象州會赦還帝思其功乃召見曰今遠西不寧瓜沙路絕卿安得高枕不為朕指麾耶於是拜瓜州長史右領軍衛將軍檢校

代州都督率兵擊元玠於雲州敵軍問曰唐將為誰曰薛仁貴元玠等曰吾聞薛將軍象州死矣安得復生仁貴脫兜鍪登見之皆相視失色下馬羅拜稍稍遁去仁貴因進擊大破之斬首萬級獲生口三萬牛馬稱是公永淳二年卒今有承事郎薛瑞授宰是邑因公拜謁於祠下塑像雖完未加彩飾廟貌廢弛口以設饌會鄉郭同宗衆村人等於廟下語以聖像加彩補綴未完修之可乎各敬應曰唯唯自願裨助共得錢至元鈔一百七十四貫文命工彩飾金碧壯麗可觀及砌壘廟內外基址方臺番瓦殿宇起蓋門樓煥然一新刻口紀之以傳永久矣

延祐七年冬十月下旬八日承事郎河津縣尹兼管本縣諸軍與魯勸農事薛瑞等立石 本村陳秀

山右刻叢編卷三十一 九

按碑以前碑紀功未備故宋唐史爲此多据新傳然亦有刪節自少貧困至投游擊將軍則刪往見將軍張士貴一段其下又刪萬年宮水警一段蘇定方討賀魯至泥熱隨軍効死下刪經略遼東破契丹兩段副鄭仁泰爲鐵勒道總管至長歌入漠關下平高麗擊吐蕃文皆不列即直敘未幾高麗餘眾叛至傳尾碑文每行末一排字多漫漶如悉取以還句以字爲鐵勒道總管道字轉討磧北餘眾討字雞林道總管道字瓜州長史州字瘦生口三萬口字皆據新傳補之碑文所列如游擊將軍百官志武散衛中郎將四品下瓜州長史新地理志瓜州下都右領軍將軍職事官代州都督職事官中郎將府舊爲所歷之官鐵勒道行軍總管雞林道總管爲所歷之差遣要員

山右刻叢編卷三十二 十

四貫文元史至元二十四年改造至元鈔與中統鈔通行每一貫文當中統鈔五貫今碑至字漫漶以元史證之知爲至元鈔縣志元有縣尹薛瑞延祐間任元史職官志縣有達魯花赤一員尹一員集撰書丹者爲前國子生員薛恭敏元程鉅夫國子學先師廟碑中統二年選朝臣子弟充弟子員紳文獻通考泰定四年敕國子監歲貢生員業成者六人至順三年詔國子生積分及等考試中式者以等第試官不中者復學肄業恭敏結銜爲前國子生係未試官者宋史地理志宣和三年絳州龍門縣改河津碑文莫當是筆誤作碑見通志金石記

廣裕和尚道行記 碑高七尺八寸廣三尺五寸十二行行五十四字行書今在翼城縣

大元晉路翼城縣金仙寺住持師辨興教大師裕公和尚道行碑

翰林學士承旨榮祿大夫知制誥兼脩國史趙孟頫撰并書篆

佛以大慈悲隨機說法為世舟航所以付囑其徒者攝為五分曰素咀嚙則阿難受持曰毗奈耶則鄔波離受持曰阿毗達磨則迦多演那受持即所謂經律論也曰般若曰陀羅尼則付之文殊普賢二大士其教雖殊其覺悟羣迷則一而已佛滅度後二千餘歲有脩其教者曰廣裕實通經律論藏蔚然為四眾所宗世家絳之稷山俗姓郝氏弟敏慧肄講肆日記三千言發軔於戒經決策於衆經論嶺雪於堆誠因明年二十眾推為座元講說法要人服其精詣出世住壽聖寺脩

《山右劉鑒編卷三十二》

十一

千佛洞佛閣殿堂大門講席聽眾逾百檀施雲興次住華嚴院且營且講如住壽聖時次住十方仁壽寺肇建夏安居講堂安眾百五十又建冬安居靜講堂安眾五百重脩佛閣法堂僧堂祝住壽聖華嚴日益大以肆於是移住金仙寺寺大而廢久住持者難其人師立志毅百廢具舉脩大佛閣造彌勒大像高百尺廣三之一飾以黃金置大藏經及准藏鈔疏四十部又脩法堂僧廊香積簷楹戶牖金碧輝映為晉偉觀寺東臨澗師應驚濤衝激石為岸高丈又尋表八十步住金仙三十餘年終師之世講下常不減百眾最後住勝因寺建法堂廊廡三十餘間凡常住所宜有者無不悉備師前後受四眾請更五住持一日必嘗講亦不輟四方檀施金粟幣帛一委常住所至有餘積而已無私焉以其願餘施十

方僧又約其同倫為上生會精備密行指生兜術示寐一日面如生時其住持勝因也陝州開喜各建大會請師為四眾受戒阿闍黎四方請疏常以百計住金仙日值

世祖皇帝設資裁大會師於大內說法默契

聖心賜以袈裟住壽聖曰感聖僧化供帑慶常溢是則教中所謂志行精專有感斯應者矣師生九歲從顯公和尚落髮出家又十有一年而受具足戒又九年而得法於雲壽和尚又二年領眾住持住持四十又一年當大德十一年十月廿九日遷化于金仙寺越七日塔葬于寺後壽七十又二臘五十又二嗣其法者七十餘人曰才曰碩為眾上首並受聖書名播諸方滅度後十又一年其徒智貞狀其師之行走京師請紀師道行以傳不朽余謂諸佛妙嚴秘密剎海等一義味

《山右劉鑒編卷三十二》

十二

支分派別如月在水非論無以證經非律無以顯教究其指歸則一而已師能融通三藏佛法於一方而始終焉則其為四眾所宗室也其往住兜術陀天亦宜也其嗣法上足續燈竟爽亦宜也乃為銘曰

佛以妙法大智羣蒙空有互彰理事雙融皇元肇興大教是宗裕公之生適際其隆聰慧夙稟博洽強記曰經律論等一義味利生接物像教攸寄受法布金雲蒸霞蔚層層地涌金像山密天與其謀神猷其功微言玄論湧沛心胷迨契聖心大衣即黃慈氏攸歸佛光逾熾惟晉之鄙惟澮之裏表是堅珉靈室茲闕

延祐七年歲次庚申小春日住持僧 智恩 智貞 智信 文懃等立石

太平縣石匠頭目李世英弟李世昌刊

校碑題翰林學士承旨榮祿大夫知制誥兼脩國史趙孟頫撰并書篆元史趙孟頫傳仁宗即位召除翰林侍講學士延祐元年改翰林侍講學士遷集賢侍講學士資德大夫三年拜翰林學士承旨榮祿大夫六年得請南歸至治元年英宗即位遣使即其家令書孝經二年賜上尊及衣二襲是年六月卒碑立延祐七年在授承旨榮祿後題衡與史合翼城縣志金仙寺舊在東門外澮水旁宋仁宗時寺僧金仙長老所建元世祖時裕公和尚亦焚修於此裕公即宏辨大師姓郝氏幼慧敏日記三千言講說法要人服其精詣後寺為澮水所侵延祐間徙於城內之同穎坊有翰林學士趙孟頫撰書碑記明時寺為參政吳廷翰所

山右刻叢編卷三十二

十三

毀趙碑移於后土廟中按縣志云裕公事多據此碑為之又碑云住金仙日值世祖皇帝設資戒大會師於大內說法當大德十一年十月二十九日遷化於金仙寺後十又一年其徒智貞狀其師之行走京師請孟頫為記按大德十年後又十一年更至大四皇慶二延祐五為十一年正孟頫任承旨時孟頫以至治二年卒距延祐五年僅四基則此碑亦晚年筆也資戒大會累見元史世祖紀可與碑世祖皇帝設資戒大會相參碑見通志金石記

豐州平治道路碑

碑高三尺五寸五分廣一尺九寸二分十三行行三十字正書今在歸化城副都統署
豐之為郡其來尚矣地名九原雲朔三輔控御沙漠方面之劇金源世勳戚里置天德軍節度而鎮守焉風俗惟民物

尚樓厥土惟瘠鹵厥田惟下中原高且平墾耕牧養軍民相泰居止郡南負郭黑河青冢古跡仍存郡北一舍有園繞之山名曰祁連中有捷徑故道甸城山谷比之銀氣迢遞漁陽險阻近爭一倍抵天平七十餘里歷經松蘿山水泛漲阻妨車兩經行寒暑迭遷人無舉履輿有本州監郡傑烈奉議知州郭承務同知哈刺不花承務判官倫忠勇等典牧是州未及數月講究興除利病遂云

山右刻叢編卷三十二

十四

繼踵馳驛路由是谷亦既見之允協前論就諭相鄰社分命東甸城尖山李家戶三村等鳩集丁役蜂聚平治經之營之不日而就以致險夷之地遂成平坦之途奔驛駕車引重致遒適者無不忻懌復值暴雨衝流窒礙行路累蒙 使郡下令未獨本社三村難泛明諭家至戶曉常切用力不致將來廢弛前功矣於三岔山路深重峽隘之處設置巡兵警捕一所盜賊畏伏商旅通行路不拾遺民無病涉王德成等既承其命焉敢不遵嘗聞悅以使民民忘其苦噫守土之官憂民之憂樂民之樂若幾何人哉封部之間有庶君五袴之詠慮其日月彌遠前德闡而弗彰而失其傳鄉人西三州官醫前提領郭瑞泊源楊禮并本社王德口口通甫李天祐王通甫等懇請作文記之以刻其石愚辭不獲已故披其實而口

之

延祐七年歲次庚申十一月日建

裕齋後人李文煥撰書

旨裏奉議大夫豐州知州兼諸軍與魯勳農事張鑄立石
司吏王瑞 楊宗禮 程鵬舉 侯忠 何寧

劉冲義刊

校奉使俄羅斯行程錄康熙二十七年五月十八日次歸
化城十九日入城觀甸城碑記延祐七年歲次庚申十一
月日建裕齋後人李文煥撰書即此碑記化城元之豐州
同總官校碑爲豐州知州張鑄立始言豐州地名九原以
唐豐州九原郡而名按唐豐州遼徙唐天德軍於此建豐
州亦號天德軍今遼東之豐州城金大定爲天德軍節度與碑金

山右刻書卷三十一

五

置天德節度合其曰祁連山者舊通志金時以邊外稱天
爲祁連置淨州天山縣遂名大青爲祁連此祁連即大青
山行程錄二十一日行九里入祁連山有土城廢址相傳
元世帝后俱潛居此山而不立陵墓紅白芍藥杏樹萱花
敷榮山阿易險阻爲坦途豐州守張鑄之功不可泯也其
曰甸城者即今歸化城北之甸城廢址通志關梁考古之
白道嶺其所稱本州監都僕烈氏奉議百官志正五品知
州郭承務承務即從同知哈刺不花承務判官倫忠
勇忠勇校尉武者皆豐州達魯花赤元史伊魯布哈傳除
除史部尚書父老諸關乞留監都以撫吾民此監都齊俄
即達魯花赤之達魯花赤欽定本改達魯花赤知州
同知判官之姓氏與階官宜闕者元史百官志有河東山
西道宣慰司大同續通鑑延祐五年議興朔方戍守蒙古

遼徽屯田蓋其時海都之裔雖降嶺北方置行省供需漠
北以豐州爲孔道故官民僉議平治以成坦途其曰大同
總府即大同總管府憲司即河東山西道肅政廉訪司省
臺中書省其曰馬馬正奉正奉大夫徽德彌實奉訓奉訓
從五品階孫朝請朝請大夫從四品階者皆宣慰使同知副使之姓氏與
階官東甸城三村名可以爲考元邊地者之證又校碑云
歲值凶歉者即續通鑑延祐七年二月賑豐州饑事自明
棄雲內豐州人遂多視歸化爲外域今觀此碑而知設官
之詳與治谷路用漢吏有皆爲金元定制者誠足杜淺見
薄識之喙也碑見通志金石記

聞喜補修宣聖廟碑

神高一尺六寸廣一尺九寸二十
二行行十九字正書今在聞喜縣

山右刻書卷三十一

六

聞喜縣補修宣聖廟記

儒學教諭呂希才撰

生員張希良書

聞喜即古之桐鄉也城之良隅有

宣聖之廟其來久矣以其基址爽塏林栢陰森故世俗有

湯陵之傳焉於大德七年壞於地震殿宇廊廡俱爲瓦礫厥

後邑宰繼而脩之雖僅有成未能無闕逮延祐間有監縣事

阿里縣尹王傑主簿呂納刺孫佐史張仁傑共治是邑適於

暇日而相謂曰人之所以能知孝悌忠信而不陷於禽獸之

域者適吾夫子垂訓之力也久見

聖廟未完不脩管殆於忘本遂同心協力命匠興役監縣給

其費用主簿補其垣墉佐史爲之贊襄縣尹提調工役旦夕

親於役所點檢指畫勸諭慰勞增廣其廊廡文彩其殿堂階基未完者補砌之牆壁未墜者塗墍之再粧七十二子之容吹簫歷代名儒之像排沙戶牖供床等物莫不增而新之箇月之間而光輝煥然矣公自赴任已來凡邑中祠廟有壞者悉皆葺而完之縣人嘉其勤於職務故刻石而記之
晉大元延祐七年冬十二月吉日雷天祐秦時中立石

石匠張信刊

核碑題儒學教諭呂希才撰生員張希良書聞喜縣志元教諭呂希才延祐間任希良又見萬戶八撒兒德政碑題古桐張希良書則希良固元初聞喜之能書者碑言宣聖廟大德七年壞於地震元史本紀大德七年八月辛卯夜地震平陽太原尤甚村堡移徙地裂成渠民人壓死不可

山右刻叢編卷三十一

七

勝計八年五月以去歲平陽太原地震官觀摧圮者十四餘區道士死傷者千餘人命振恤之十一月以平陽太原地震免稅課一年聞喜平陽屬邑今元史本紀止言一路未析州縣得此碑可補其闕史言官觀摧圮而不及文廟者元重道教也碑云遠延祐間有監縣事阿里縣尹王傑主簿呂納刺孫佐史張仁傑同心協力命匠興役箇月之間光輝煥然縣志阿里元達魯花赤傑字伯英澤州人延祐間任縣尹強毅正直下車即多惠政邑當衝繁傑御以前卒免釋騷又均賦康時興學倡化茲允止息百姓輯甯上司屢以疑獄委之鄰民咸就理焉後升平定州知州祀名宦呂納刺孫元主簿校元人例稱府達魯花赤爲監郡縣達魯花赤爲監縣元稱達魯花赤爲監郡縣元稱達魯花赤爲監縣故志曰

達魯花赤元稱初達州宣聖廟碑達魯花赤國朝府州碑曰監縣元府州縣財賦達魯花赤掌之則似又縣志於阿里等皆言延祐間任今碑末題延祐七年十二月立石則諸人皆以是年任縣志學校延祐七年達魯花赤阿里縣尹王傑補葺教諭呂希才撰記即據此碑爲之

池神廟碑

碑高八尺四寸廣四尺六分三十四行行六十八字正書今在運城縣

翰林直學士朝列大夫知制誥同修國史

臣王緯奉

教撰

翰林學士承旨榮祿大夫知制誥兼修

國史臣劉廣奉

敬書

翰林學士承旨金紫大夫上柱國知制誥

兼修

國史轉國公中書平章政事臣李孟奉

敬

篆額

延祐改元春三月癸亥

皇帝御嘉禧殿中書省臣言陝西都轉運鹽使司重修鹽廟成當書其事于石

制曰可以

命翰林臣緯恭承

明詔竊惟國家生財有道裕民有制其於天地山澤之利皆所以佐國用厚民生實經世之遠圖也故禹

貢之海濱廣斥厥貢鹽綸洪範之八政必先食貨周制太宰以九賦欽財賄九貢致邦國之用其本蓋有所自矣謹按鹽池在晉之河東春秋時爲卻瑕氏之地以其沃饒近鹽晉人

賈之史記猗頓以鹽起即其處也自秦漢魏晉以降法之

禁弛鹽之盈縮因革不同唐大曆十二年韓滉判度支奏

鹽請置神祠始賜號曰寶應靈慶池其神曰靈慶公宋崇

寧四年封池之神東曰資寶公西曰惠康公封澹泉之神曰

普濟公監風之神曰薦寶侯大觀二年進池神為王爵

為成寶公我 聖朝之開創也

太宗英文皇帝百度肇新丞相臣耶律楚材以經費為稱

施行簡為解鹽使置司于路村募亭戶千為之商度區畫自

是保聚益繁商賈益阜雖課日益以增公私以為便歲癸丑

憲宗桓肅皇帝以

世祖聖德神功文武皇帝介弟之重西征大理盡界鹽池之

利以餉軍立從宜府於京兆俾右丞臣李德輝領其事先是

霖潦敗鹽遣使致禱併五年之獲迺建廟于池之北阜

賜額曰濟後罷從宜府為陝西都轉運使司至元廿九

年改為都轉運鹽使司徙置路村罷解鹽使司大德三年秋

七月以課美 制詔加封資寶王為永澤資寶王惠康

王為廣濟惠康王普濟公曰福源靈慶公仍賜帑幣百五十

緡命行 中書省歲五月朔遣官致祭夫鹽在五行為水水曰

潤下潤下作鹹所以供祭祀備膳羞資生民之用蓋不可一

日闕也昔周使周公問聘魯設白黑形鹽辭不取饗此禮之

重者 前代解鹽聖畦沃水種之今則不煩人力而自成非若

青齊瀛淮浙瀕海年盆煎煮之勞及蜀井穿鑿之艱也蓋

得天地之精英河山之靈秀滂而為池廣袤百里停蓄

大離離漫漫浩無津涯璀璨晶明莫可名狀役夫萬餘畚

鑄雲集曾不踰旬哀如山積其利甚博終古不竭方離之

也條山之下有風谷為每夏仲月應候而至至則吹沙石

木隆隆俗謂之鹽南風又所謂澆泉者殆皆斥鹵惟此甘

湖取鹽之際炎暑蒸鬱渴竭救渴灌煩燥汗惟泉是賴人不

告病噫神矣哉傳曰今夫山一礬石之多及其廣大寶藏

豈勺水之多及其不測貨財殖焉其以此歟凡舟車之運

梁陝洛河東河內之境數千里皆食其利會其歲之入以

緡計者二千萬至大三年同知陝西都轉運鹽使司事臣

崇都轉運使司副使臣喬宗亮以神祠歲久棟宇傾圯乃與

民商欲一新之眾翕然樂為資助終更弗果皇慶二年

陝西都轉運鹽使臣阿失鐵木兒同知都轉運鹽使司事臣

宋天瑞相 故廟西壩下地夾壇中緒正殿周阿重簷翼東西

廟前敞其 閱後營寢室聳飛矢棘階凡峻整宏達靖深事將

訖工今陝西都轉運鹽使臣完顏德輝都轉運鹽使司副使臣

張忽都答兒繼至蒞職適冠大門為樓扁曰寶慶下瞰鹵澤

面對中條東瞰大行西峙雷首陸蠡朝暮翕忽變化千態萬

狀信一方之奇觀也落成之日遷永澤資寶王廣濟惠康王

于新廟舊廟以 祀成寶公率僚屬士庶商賈咸會祠下談

舞憚悅神人於是乎大洽矣仍以廟碑請於 朝故有

是命洪惟 聖朝富有天下際天所覆巨地所載日月

之所照臨雨露之所濡濡休養生息自租賦外難以鹽課佐

經費然欲不及民而民自足所謂國不以利為利而以義為

利也是以天下之民安其俗樂其業漸仁摩義熙熙皞皞比

隆三代其風 齊管子正鹽筴以興展渠之利漢東郭咸陽孔

隆三代其風

齊管子正鹽筴以興展渠之利漢東郭咸陽孔

隆三代其風

僅輸鹽鐵以歸大農唐之宰相領鹽鐵以判度支萬萬不俾
矣方今

聖人在上夢天地之化育裁成輔相宜乎地不愛寶神相

國以饒衍是用昭崇祀事加錫封號作新廟貌勒之金石祐

戎

皇元億萬年無疆之神亦與享無窮之祀猗歟盛哉臣拜

稽首而承之詩曰

乾坤亨泰孰為綱維萬物並育孰窺端倪五行

為用水德稱首作鹹之利以資富有惟古邠瑕

地貨沃饒右限大河南峙中條資沉之次畫

野定標匯而為池雲蒸霧歛結而為鹹雪積

曉殆出神力民不告勞自唐歷宋祀事孔昭

於皇聖元有萬國山川貢珍百神效職靈

池之產歲增萬億大德三撰封號加錫皇慶

御極嘉神之德延作新廟新廟奕奕于以揭虔

有嚴禮秩神人浹和用紀成績繫神之休

國用阜康既富而教頌聲洋洋比屋可封遠風

陶唐於萬斯年寶曆無疆

至治元年歲在辛酉十二月十有二日辛亥

河東陝西等處都轉運鹽使司臣馬思忽等

按碑至治元年立碑言自唐大曆十二年置祠至宋大觀

封號皆與今志合其曰太宗英文皇帝百度肇新耶律楚

材以解鹽置司於路村者即元史食貨志太宗癸巳年命

鹽使姚行簡修理鹽池損壞處所庚寅年每鹽四及耶律

十斤收銀十兩

楚材傳均定中原鹽酒之利事楚材傳定賦稅鹽價銀一兩四十斤與食貨志合

其曰歲癸丑憲宗以世祖西征大理盡界鹽池之利以餉

軍立從宜府於京兆俾右丞李德輝領其事者即世祖本

紀歲癸丑奏割河東解州鹽池以供軍食立從宜府於京

兆及李德輝傳世祖立從宜府以德輝為使募民入粟給

鹽券為直事時德輝就世祖辟川蜀平乃為行省左丞其曰後罷從宜府為陝

西都轉運司者即食貨志中統二年初立陝西都轉運司

事其曰會其歲之入以綴計者二千萬即食貨志至大元

年增引運為一十萬二千事食貨志元貞丙申每引六十五貫碑言大德

三年加池神封及鹽風神號濟泉神號亦與今運城志合

運城志宋崇寧間同池神進號為萬寶侯大觀二年惟濟

泉神元大德曰福源靈慶公今志闕碑文以延祐元年新

池神廟成奉勅撰皇慶二年陝西運使何失鐵木兒同知

都塔兒成之碑題翰林直學士王緯撰翰林承旨劉廣書

平章政事李孟篆額廣孟元史均有傳劉廣傳字熙載沼

水人幼有文名至元十三年用薦者授國史院編修官至

大二年由翰林學士遷禮部尚書仍兼學士尋拜侍御史

遷翰林承旨皇慶元年遷延祐元年復為承旨六年遷七

年復為承旨碑立於至治元年正廣三為承旨時李孟傳

字道復潞州上黨人皇祐元年授翰林學士承旨知制誥

兼修國史仍平章政事本紀至大四年正月十二月請謝

事以平章政事議中書事承旨翰林延祐元年十二月復

拜平章政事本紀是二年七月進金紫光祿大夫封韓國

公已而乞歸復為承旨英宗立降集賢侍講學士又本紀

延祐四年七月乙亥李孟罷碑所列官在未降前又碑內運司諸官名今運城志見者有阿失鐵木兒宋天瑞完顏德輝張忽都塔兒馬思忽無運城志藝文有此記而多所刪節不足以資考證舊通志則全載此文又王緯見元史祭祀志至治二年有旨議南郊祀事太常禮儀院使王緯博士劉致等會都堂議即其人亦見王圻續文獻通考司馬光塋像記

碑高五尺廣二尺四寸二十四行行五十字正書今在夏縣

司馬溫國公祠堂塋像記

集賢直學士朝列大夫兼國子祭酒李樾寶撰

資德大夫河東山西道肅政廉訪使補化書丹

集賢大學士榮祿大夫太子詹事加授太子賓客清苑郭

《山右劉鑑卷三十一

賈篆額

祠堂之設蓋思其人而不得見故立像以想其平生歲時盃嘗薦其馨香格于神明其誠意之所感乎蒼蒼悽愴如或見之此皆出於人心愛慕之誠而然也然其德有厚薄之殊故其祠之也有遠近之異非可彊求也陝州夏縣今為晉寧之屬也乃宋朝司馬溫公之故鄉縣西三十里曰鳴條崗即公之先塋縣學之左祠堂在焉郡人祀之香火不絕于今三百年矣兵燹之餘堂故在而像貌不存皇朝延祐六年河東僉憲野仙不華公按臨至縣拜謁祠下仰而嘆曰有堂而無其像於人何所瞻仰其於典禮蓋有闕焉縣尹李侯榮祖聞其言退而謀於縣之耆舊皆曰此固邑人日夜所不忘而不敢請者也侯既有命敢不竭力以從事

於是施財命工選日興役不閱月而塋像煥然一新慶成之日人大和會遠近聞者相率而來觀之莫不咨嗟嘆息如公復生以手加額至于流涕不減前日自洛赴汴之時也噫盛德之入人心也如此哉李侯又欲紀其事於石因憲幕李君鶚以記文為請予謝不敏不敢承命既不得辭乃為之言嗚呼盛德之士不出於世久矣是以功業若此其卑也其故何哉譬之規矩準繩必先自治而後治人故民之從之也莫不中心悅而誠服身不治而欲治人難矣自唐虞三代以來卓荦稷契之為臣載於書傳者可考也殷之伊尹傳說周之於畢公邵公其人莫不以德稱於天下降及兩漢蕭曹之徒起於刀筆之間考其平生雖僅能取稱一時然皆一切以就功名而已非可以德化言也寥寥至於三國唯有諸葛忠武侯一人而止爾唐有陸宣公而不盡其用至宋而司馬公出焉其人可不難哉公之為人也篤學力行清修苦節左規右矩罔不如禮故言而君信之行而民悅之不用則獨善其身用之則功利被於天下牛童馬走無不知其姓名敵國遠方莫不畏其威德此豈聲音笑貌之所能得哉其德積之也厚故其及之也遠不是一宜天下郡邑莫不祀之以為師法而況於桑梓之邦乎然而邑宰有賢愚故其祠有興廢自非野仙不華公唱之邑宰李侯和之其功必不能成之如此之易也今既完矣邑之人歲時祭享來拜堂下仰而瞻公清苦嚴厲之容俯而讀公所著資治之書如公在世而親炙之莫不脩身慎行不敢為非風俗一變皆為君子之儒此則邑宰李侯之意也豈不美哉請書此於石以俟

《山右劉鑑卷三十一

三

至治元年月日

承事郎晉路夏縣尹兼管本縣諸軍奧勳農知渠堰事李榮祖立石

忠明校尉晉路夏縣達魯花赤兼管本縣諸軍奧勳農知渠堰事教化

晉路夏縣尉布達識禮

忠明校尉晉路夏縣前達魯花赤兼管本縣諸軍奧勳農事也先不花

從仕郎晉路夏縣主簿郭德明

儒學教諭毛質同立石

儒人田居敬模勒

太平李世英刊

山右刻叢編卷三十一

五

校夏縣志溫公祠一在學左元延祐六年河東僉事野先

不華暨縣尹李榮祖重繪神像祭酒李穉寶記即此碑

言河東僉憲野仙不華按臨至縣拜謁祠下歎無像李侯

榮祖閱而謀於耆舊於是施財命工不閱月而像煥然

一新是祠像已燬自榮祖修祠始為之像碑為河東山西

道廉訪使補化書丹太子賓客郭貫篆額元史職官志國初立河東山西

道廉訪司貫元史有傳字安道保定人不言何縣碑題清苑

可補史闕貫以才行為樞密中書掾累遷至大四年除禮

部尚書歷翰林侍講學士淮西廉訪使延祐二年召拜中

書參知政事本紀是年十月明年升左丞本紀五月庚申集

賢大學士本紀九月五年除太子詹事本紀四年十一月六年

加太子賓客謁告還家至治元年復起為集賢大學士尋

致仕碑所列官在請告後至治元年未起前又河東僉憲

據元史百官志即肅政廉訪司僉事碑末所列銜名如夏

縣達魯花赤教化尉布達識禮前達魯花赤也先不花主

簿郭德明教諭毛質皆足補邑乘之闕元晉甯路總管府

領解州州領夏縣故記謂夏縣為晉甯屬邑其曰陝州夏

縣者宋夏縣屬陝追述溫公之生云爾李穉寶見元史王

磐傳無子命穉寶為東平判官以便養據碑則延祐末為

集賢直學士可補史闕鳴條岡一統志在安邑縣北與夏

縣接界一名高侯原尚書伊訓造攻自鳴條書序湯伐桀

升自隔戰於鳴條之野孔傳安邑縣西有鳴條陌即此地

也

追封吉天英碑

山右刻叢編卷三十一

美

碑高五尺四寸廣二尺三寸二十三

行行五十四字正書今在汾西縣

大元贈嘉議大夫禮部尚書上輕車都尉追封馬翊郡侯吉

公墓碑銘有序

翰林學士承旨榮祿大夫知制誥兼脩國史趙孟

頌為文并書丹

光祿大夫平章政事商議中書省事行太子詹事泰亨篆

額

延祐三年

天子方廣孝治推恩羣臣咸得寵榮其世遇命有司著為令

自而父祖至于曾祖若存若亡階官勲爵各祿其秩而等殺

焉示臣子以尊親親之道休矣威哉於是嘉議大夫嶺北

湖南道肅政廉訪使吉君天英品在第三宜得贈封二代遂

贈顯考鹽使口君嘉議大夫禮部尚書上輕車都尉追封馮翊郡侯蓋距府君之卒葬廿有七年矣又明年君之弟承事郎中書兵部主事天弼以其狀請於太史翰林承旨趙孟頫曰願有紀也既不獲議口則叙而銘之府君諱祥字瑞之其先家絳州金臺自其高大父始徙汾西故君為汾西縣人府君生數歲而孤賴其母任夫人以克有立輪冠口口口吏平陽稅課所尋以口升知事由寶成倉使西京務使得授將仕佐郎演鹽司副使進將仕郎口南轉運使經歷又以承事郎為臨水鐵冶提舉轉廣平鐵口提舉尋同知平定州事會朝廷方講求經賦以為鹽法久且弊有

旨起府君以舊官佩金符為演鹽使居有間轉運使上其最進口口口大即升大使口口二年春秋六十九以大德元年

山右劉鑑卷三十二

三

三月三日卒于家府君歷十官僅一試民社自餘皆主錢穀專幹權用其幹敏潔廉所至辦治在臨水廣平能究口密治諸弊凡所更置法流于今於濱自副使為經歷轉運司已口河領使事地利之瘠豐民力之饒乏研計揣度無豪髮遺然而本其誠心不專用法故役不衡時而人以安輯先時刑徒鉗作往往死飢府君口至躬自節觀其食飲口得不失所免去喝大其呼謝府君晚尤好讀書慈良愛物其天性然也蓋自中世以來用鹽鐵酒榷益賦縣官論者以為盡籠天下之利而不知制兼并抑浮末要亦深口仁厚之意第令御事者咸各盡其心則惠施効集有他官莫之能先者以余觀於府君則夫生有餘榮死有餘哀固不益可信歟然則士之為善者其可不不知所勉乎哉府君之曾大父諱祐大父諱琚父

諱誠皆隱德不仕今以恩併口府君之父亞中大夫同知山西河東道宣慰使司事輕車都尉封馮翊郡侯母任氏馮翊郡夫人府君先配李氏追封馮翊郡夫人先卒三十八年今配于氏亦封馮翊郡太夫人子男七人長曰天祚次即廉訪君今以中奉大夫為淮東道宣慰使有能名曰天益奉議大夫延安路總德州知州公勤明敏曰天禧福田廬房民匠副長官曰天弼主事君也由中書左司掾選授挺奇雋曰天允國子生日天興早世女適奉訓大夫與路總管府推官姚文偉孫男十人曰亨曰省曰魯曰朴曰延壽曰拴住曰長安曰赦曰綬住曰家和其長男天口平昔和不失同儉而中禮子省授承事郎寶坻縣尹其葬在所居縣東一里李夫人同窆銘曰

山右劉鑑卷三十二

天

未童而稱 啓慶自躬 不揆其庸 以隼于功 維卒不有 厥聲以鴻 高王坎中 日茲公宮 至治二年四月日淮東宣慰使吉天英綬德州知州吉天益兵部主事吉天弼等立石

石匠從口口和口口等刊

碑題翰林學士承旨榮祿大夫知制誥兼修國史趙孟頫為文並書丹光祿大夫平章政事商議中書省事行太子詹事泰亨家額按元史孟頫傳延祐三年拜翰林學士六年告歸此碑撰延祐五年後則已在告歸時題衡與之合碑云延祐三年天子大興孝治推恩羣臣咸得寵榮其世乃命有司著為令自父祖至曾祖若存若亡階官勳爵視其秩而等殺焉此延祐三年元臣寮封贈著令之證碑云